

SAVANETA CU MOULIN ROUGE DEN CARNAVAL

ORANJESTAD(AAN)—
Den un comunicado oficial Savaneta a trece dilanti su plannan pa participacion den Carnaval di Aruba.

Ta ser muestra cu Savaneta pa añanan ta participando den Carnaval di Aruba pa asina engrandece y yuda mantene e

atraccion turistico di mas grandi di e turismo di Aruba.

E forma cu Savaneta a escoge e aña aki ta di e famoso club nocturno di Paris, Francia, esta Moulin Rouge, conoci pa su vedettenan extraordinario pa su

show cu bo no ta haya ningun otro lugar na mundo.

E prijsnan di trahenan pa damas ta 225 florin y 125 florin, mientras cu pa cabayeros esaki ta 150 florin y 85 florin. Dilanti lo bay tin algun road piecenan, in-

cluyendo esnan di e reina juvenil y grandi.

Musica lo ta di Savaneta Brassband y e grupo lo consisti di mas o menos cien persona. Interesadonan lo por inscribi cerca Martica Arends, Savaneta 384, telefon

47032.

Eleccion di Reina Juvenil di Savaneta lo tuma lugar dia 2 di Februari na Heilig Hartschool y lo ser anima pa Triple S y La Nueva Fuerza. E mes anochi lo tuma lugar coronacion di e Reina grandi, cu lo keda nombra.

CABALGATA CARNAVALESCO DIA 18 DI FEBRUARI

ORANJESTAD(AAN)—
Loke a cuminsa aña pasa como un experimento ta muestra di lo bira un tradicion pa caballistanan Arubano den Carnaval di Aruba.

Durante e promer reunion e grupo di Caballistanan Arubano a dicidi di escoge Dialuna despues di Parada Grandi, esta dia 18 di Februari pa tene un biha mas nan parada cu cabay, caminda tanto e jinete como su cabay lo ta disfraz.

Uzando e experimento di aña pasa como un punto di salida, e organizacion OCA a dicidi pa trata na sigui mehora e producto.

Lo forma cinco grupo cu lo escoge diferente topico pa disfraz. Tur interesadornan ta ser

avisa cu tur diaviera di awor te cu e parada, lo tin reunion pa 8 or di anochi na Rancho El Paso.

Durante e reunionnan OCA ta spera di formula e plannan y ideanan definitiva a base di sugerencianan di caballistanan.

E entusiasmo ta muestra masha grandi y OCA ta kere cu e cantidad di cabay lo por aumenta. E promer sugerencia

pa cambio ta e punto di salida y automaticamente e final tambe. Detayes ariba esey lo sigui den un proximo comunicado.

ELECCION REINANAN DI DAKOTA

ORANJESTAD(AAN)—
Awe lo keda eligi e Reina Juvenil y e Reina Grandi di Dakota.

E certamen lo por conta cu musica di S-United y entrada general ta fls.5.00.

Nombranan di e candidatanan cu lo participa pa Reina Juvenil ta Irene Marin, Mirella Magdalena Angela Tromp, Neiffi Cecilia Sierra, Astrid Geerman, Cirelly Carolina Car-

tero mientras cu pa Reina di distrito ta participa

Gwendoline Kelly y Gudra Dalymple.

E eleccion lo sigui cu o sin awacero.

ELECCION REINA POPULAR DI TANKI LEENDERT

ORANJESTAD(AAN)—
Awe lo tuma lugar den Paradise Restaurant, eleccion di Reina Popular di Carnaval, entre e candidatanan di Tanki Leendert. E aña aki Tanki

Leendert lo tin un gran cantidad di candidata cu lo participa pa e titulo di Reina Juvenil di e distrito.

E fiesta lo cuminsa pa 11 or di anochi. E eleccion lo tuma lugar dia 26 di Januari, cuminzando for di 8.30 ot di anochi den Club RCA sigui despues pa un jump-up di veld di Tropical pa Paradise Restaurant.

E mes anochi e Reina grandi di Tanki Leendert lo keda corona y esaki ta significa cu e eleccion di

dia 4 di Februari a keda cancela.

Diadomingo awor, dia 20 di Januari, lo tuma lugar den Tanki Leendert un parada di jeeps y auto cu lo sali pa 3 or di atardi for di Paradise Restaurant. E lo pasa den tur skina di Tanki Leendert y Pueblo di Tanki Leendert ta keda cordialmente invita pa acompaña e candidatanan den e parada aki.

Doñonan di jeeps o pick up interesa di participo por tuma contacto cu telefon 28126.

SANTA CRUZ CU LA NUEVA FUERZA DEN PARADA GRANDI DI CARNAVAL

ORANJESTAD(AAN)—
E grupo di Santa Cruz cu

CONTEST DI WALTZ

ORANJESTAD(AAN)—
Mañan henter Pueblo ta keda invita pa e contest di bailamento di Waltz cu ta ser organisa pa SAC.

E evento ta cuminsa pa 6 or di atardi y lo finaliza pa 1 or di madrugada. Musica ta na encargo di La Nueva Fuerza mientras cu entrada ta cinco florin.

lo bay den forma uni den parada grandi y cu lo tin como topico Fiesta di Carnaval di Santa Cruz, lo ser acompaña musicalmente pa e popular conjunta La Nueva Fuerza.

E trajenan di e grupo por ser mira y otro informacionnan adicional ta ser duna Diadomingo atardi dia 20 di Januari entre 1 or y 4 or na cas di Many Lopez, Santa Cruz 29. E mes atardi, interesadonan por inscribi pa tuma parti den e grupo cu lo costa, incluyendo tur cos, fls.175,- tanto pa

homer como pa muher.

Comision di Santa Cruz ta spera cu henter Pueblo di Santa Cruz y interesadonan i otro distritonan lo coopera pa un biha mas Santa Cruz ta bon representa den Carnaval.

Otro siman Diadomingo lo tuma lugar eleccion di Reina Juvenil, mientras cu dia 3 di Februari lo bay tin eleccion di Reina Grandi di Santa Cruz. Esnan interesa por tuma contacto cu Henita Flanegin na telefon 28280.

CAR WASH PA CARNAVAL DI NOORD

ORANJESTAD(AAN)—
Comision di Carnaval Centro di Barrio Noord ta organisa un carwash dia 20 di Februari na Centro di Barrio Noord. E objetiva di e carwash cu ta cuminsa pa 9 or di mainta y lo sigui te 5 or di atardi ta pa recauda fondo

pa e parada di carnaval di mucha na Noord dia 9 di Februari 1985.

Comision di Carnaval di Centro di Barrio Noord ta invita henter Pueblo di Noord na e tremendo carwash aki y ta pidi pa

Segui lesa pag. 15